

落其各衙門官吏不持公道曲法聽從事發一体拏問如律若干礙官豪勢要人員另行奏

聞區處庶奸詐自息公道自行緣係事例及奉

欽依該衙門知道事理未敢擅便具題次日奉

聖旨是欽此

禁革吏典納粟冠帶及聽選官出入衙門囑託公事

成化十八年六月初九日吏部為申明禁革事山西平陽府絳州軍籍趙俊言有等鄉民欲求富貴頗識字樣營充吏典在外兩旁剝削民脂積利肥家臨至赴京慮恐考試不過轉圖遇例上草冠帶回籍聽選又撥二丁供貼又在有司貪財害人深為未便如蒙乞勅吏部一體禁革便益等因該通政使司何琮等於奉天門奏看係民情事理合着禮部抄出會官議奉

聖旨是欽此欽遵抄單移咨到部會同各部都察院通政使司大理

寺六科給事中議得數內一百一十五件合准所言宜從

吏部等衙門查勘定奪施行未敢擅便照例各官奏奉聖旨照例欽此欽遵看得近年以來為因各處災傷該巡撫等官奏將吏典納米納草赴部免其京考就與冠帶辦事滿日給引放回原籍聽候行取選用中間有等在家不守本分出入有司衙門囑託公事貪財害人誠如趙俊所言應令通行禁約各衙門下許寫帖子囑託

弘治元年二月十五日該太監軍昌傳奉

聖旨日朝廷政事

祖宗俱有成憲今後五府六部都察院通政司大理寺等衙門務要遵守不許徇情互相囑託有虧公道敢有寫帖子囑託係內府官的將帖子連人送與楊鵬外的送與朱驥奏來處治若容

隱不擊具奏的或體得出或被入奏發都治以重罪不饒欽此

禁約南京內外大小衙門囑託

一件

欽奉事弘治元年四月內該都察院右都御史馬 節該欽奉

聖旨近來有等官員不畏律禁徃徃徇情互相囑託出入罪及畏懼權勢貪贓賄賂寃

抑小民致

天時下好和集便在京已有禁約任都察院還行與南京內外大小衙門知道今後敢有似前囑託的不拘內外大小官員該衙門就指實奏來處治各情囑託容情不効一體以重罪不饒欽此

禁約囑託公事

弘治元年五月初三日都察院為禁約囑託事戶部尚書李 等

題伏覲

大明律內一款凡官吏諸色人等曲法囑託公事者答五十但囑即坐當該官

吏聽從者與同罪不從者不生若事已施行者杖一百所以罪重者官吏以故出入罪論若為他人及親屬囑託者減官吏罰罪三等自囑託已事者加本罪一等若監臨勢要為人囑託者杖一百所枉重者與官吏同罪至死者減一等若受賄者並計賍以枉法論若官吏不避監臨勢要將囑託公事實跡赴上司首告陞一等欽此除欽遵外臣等竊惟囑託之名事雖若小囑託之事害實甚大勢要囑之官府聽之顛倒是非在此出入罪在此貪難者員屈無伸財富有僥倖得免政事以之而靡維軍民由是而怨讟以致

天心震怒災異迭興水旱災傷皆其所召其為害也豈淺淺哉肆我

太祖高皇帝混

一海宇定為律定而於囑託之條尤加詳焉但囑者雖輕即坐受賄者從重而科末復以首告陞等論之深蓋深惡囑託之人聽從官吏

欲貪出而加之以罪也當時臣民恪遵謹守所以刑清政舉世道亨嘉